

## 成功 ê 標準

伊 ê 目矚看輕匪類，尊重敬畏上主 ê 人。伊 chiù-chōa，雖然家己 khek 虧 mā 無改變。(《全民台語聖經》詩篇 15：4)

聖經暗示卑鄙 (pi-phí) ê 人受藐視。對現代人來講，he 聽起來並 m̄ 是真正面，kám 是 án-ne？總是，chit 節經節主要是 teh 談論討厭上帝所討厭 ê，kah 疼上帝所疼 ê。它鼓勵咱來欣羨疼上帝 ê 誠實 ê 人。

啥人是咱 ê 英雄？啥人是咱認為是成功 ê？啥物欸 ê 標準是咱為 tiòh 咱家己建立，用來觀察 á 是理解咱四 kho 圍 ê 人？咱想 beh 模仿啥人？身為基督徒，耶穌基督 ê 生活有為咱建立一個完美 ê 標準。咱 tiān-tiān ē-tàng 想像耶穌有可能會 án 怎來反應各種試探 á 是欠缺。

M̄-koh，咱 tiòh án 怎為咱家己設定一個標準來 chhōa 咱進入一個成功 ê 生活？Tī 咱現代 chit-ê 科技 chhōa 頭定向、快節奏 koh 不斷變化 ê 世界，咱認為啥物是「成功」leh？

有人會講：「成功 ê 意思是 thàn 大錢。」其他 ê 人會列出有社會聲望，á 是擁有一間大厝，á 是出名，á 是享受長歲壽。雖然 hiah-ê tai-chì tī 道德上 lóng 無 m̄-tiòh，m̄-koh in lóng 無法度代表基督 ê 標準；祂是咱 ê 完美模範，而且事實上，祂 lóng 無 chiah-ê 物件。

做一個基督 ê 跟 tòe 者，咱需要探討咱家己 ê 心，koh 問講：「我 tī 我 ê 救主——耶穌基督 ê 眼中 kám 有合祂 ê 標準？祂 kám 有認為我是成功 ê？」咱應該效法 ê 成功者是 hiah-ê 敬畏上主 ê 人。

咱大部分 ê 美國人 lóng 已經擁有咱所需要 ê 物件；咱大部分 ê 人 lóng 有食物、安全、教育、醫療保健 kah 一個偉大國家 ê 公民權，m̄-koh，世界大多數 ê 人 iáu 欠缺 hiah-ê 物件。

對咱來講，問題是：根據耶穌基督 ê 標準，咱 kám 有一個「美好 ê 生活」？這是 siōng 重要 ê 唯一 ê 成功。

**祈禱：**上帝 ah，求祢幫助我活出一個根據祢 ê 標準 ê 「美好 ê 生活」。求祢教我知影啥物是祢所講 ê 「成功」，然後賜我成功所需要 ê 智慧 kah 氣力。我 án-ne 懇求是奉我 ê 救主耶穌基督 ê 名。阿們。

(1994.01.16)